

tageczyt. Unde dy beczalunge des geldes sal geschen in wendig czweyen jaren, alz von^{b)} deszen nesten sente Walpurgen tag vordir obir 2 jar uff sulche tageczit, alz geschr(ieben) stet, nest noch enandir folginden. Ouch so hat er on an der selben beczalunge vor 43 ß gr, dy er on nicht beczalt noch vorburget hat, dy mittele mule zu willigen pfande yn gesaczt, das sie sich der 43 ß gr, ab er sy nicht beczalte, alz geschr(ieben) stet, vor ydermenlichen daran erholen sollen. Dy müle wir frauwen Elizabeth zu ern Johann und siner gewwister hant geligen haben zu eyn pfande mit allen rechten, alz oben geschr(ieben) stet. Mer ouch hat er Johannes obgnant und sine muter Niclasz Mulner des gutis vor ydermenlichen globet zu geweren, alz recht ist. Actum anno domini MCCCC XXIII^o sabbato ante jubilate.

a) alles durchgestrichen b) folgt durchgestrichen sente

360.

1423 Mai 15

Der Rat erhält das Verfügungsrecht über die Hauptsumme und die Zinsen, die Johannes Smolner bei der Stadt hinterlegt hat.

fol. 54v Wisset das wir inne habin er Johannes Smolnerz briffe, dy do halden umbe 60 gulden, dy da ynne hat und jerlichen 6 gulden darvon^{a)} czinszen mücz Johannes Prosze, darvor er burgen gesaczt hat, alz der haubtbriff uzwieset. Der selbe gnante herre hat es alzo hinder om gelaszen, ab er von todes wegin abe ginge, das wir das selben gelt mit sampt den czinszen yn nemen sullen, das an selgerethe wenden, wu wir daz am besten erkennen, daz er uns genzlichen getruwit hat und uff uns gesaczt. Wer ouch, das Prosze adir sine erben das gelt abe loszen wolden, so sullen wir das ynnemen von synen wegen, om das beschr(iebene) keyn Hagena by Straszburgk, do finde man on by eyn rittegut er Burgharden eyn haubtman. Auch hat er Gerlachen gemechtigit, sine czinsze zu vordern, ab sich der rath do mite iczunt nicht meynt czu bekummern, und gebeten, ab den schelingen worde, das man om dar czu behulffen wolle sin. Actum sabbato post vocem jocunditatis anno domini MCCCCXXIII^o.

a) folgt durchgestrichen czu

361.

1423 September 24

Nickel Wynrich verpfändet sein Haus.

fol. 54v Nickel Wynrich hat Hansz Schicken und Nickel Ortmanstorff sin husz, gelegin by der Mulpforten, zu willigim pfande yn gesaczt vor 23 gulden, da vor er sy kegen Herman vorsaczt hat, das sy sich der kegin Herman dar an